

Bases do Concurso VII Festival CinEOI Coruña 2017

O Equipo de dinamización lingüística da Escola Oficial de Idiomas da Coruña convoca o VII Festival CinEOI Coruña co obxectivo de promover a creatividade audiovisual en galego, que se rexe polas seguintes BASES:

1. O tema das curtametraxes é libre e a súa duración non superará os **10 minutos**.
2. As obras deben ser **creadas e producidas en lingua galega** e poden incluír subtítulos nalgunha das linguas estudadas nas EOI. Non se admitirán pezas dobradas ao galego.
3. A obra presentarse en formato dixital e poderá realizarse con calquera medio de gravación (videocámara, cámara dixital, cámara de móbil, tableta, etc.).
4. Acéptanse traballos do 2016, sempre que non participasen xa no CinEOI Coruña Curtas.
5. Haberá **tres categorías**:
 - **CATEGORÍA ABSOLUTA**, na que pode participar o alumnado matriculado no curso 2016/2017 en calquera dos seguintes centros:
 - o A EOI da Coruña e as súas seccións.
 - o A EOI de Ferrol e as súas seccións.
 - o A EOI de Santiago de Compostela e as súas seccións.
 - o O IES Escola de Imaxe e Son.
 - o A Escola de Arte e Superior de Deseño Pablo Picasso.
 - o Escola de Arte e Superior de Deseño Mestre Mateo de Compostela.
 - o Conservatorio Profesional de Música da Coruña.
 - o Conservatorio Profesional de Música de Ferrol.
 - **CATEGORÍA XUVENIL**, na que poden participar o alumnado matriculado no curso 2016/2017 en ESO, Bacharelato e FP dos centros sostidos con fondos públicos do Concello da Coruña (agás o IES Escola de Imaxe e Son) e do IES Manuel Murguía de Arteixo.
 - **CATEGORÍA INFANTIL**, na que pode participar alumnado matriculado no curso 2016/2017 en 5º e 6º cursos de E. Primaria dos centros sostidos con fondos públicos do Concello da Coruña.
En función do nº de curtametraxes presentadas nesta categoría, proxectaranse todas ou unha escolma delas.

Chega con que un dos autores ou compoñentes do equipo estea matriculado nun dos devanditos centros educativos. Un mesmo autor poderá presentar ata a un máximo de dúas curtas.

6. Establécense os seguintes **premios**:

• **CATEGORÍA ABSOLUTA**

- **Mellor curta:** Curso de Interpretación ou de Cámara e Realización ou de Guión para dúas persoas impartido por Voz Audiovisual e valorados en 750€ (a realizar os martes de outubro a decembro de 2017), cofinanciado polo Concello da Coruña (abono das mensualidades 450€) e Voz Difusión Noticias SLU(matrícula 300€).
- **Premio “Ben Falado”** 350€
- **Mellor guión** 250€
- **Mellor fotografía** 150€
- **Mellor canción orixinal** 60€
- **Premio de público** agasallos

• **CATEGORÍA XUVENIL**

- **Premio “Ben Falado”:** lote de libros en galego valorados en 250€, outorgado polo Concello da Coruña.
 - **Primeiro premio**
 - **Segundo premio**
 - **Terceiro premio**
- Os premios da categoría xuvenil serán anunciados a partir de xaneiro de 2017.

• **CATEGORÍA INFANTIL**

- **Premio “Ben falado”:** lote de libros en galego valorados en 250€, outorgado polo Concello da Coruña.

7. A data límite de recepción de curtas será o **5 de abril de 2017**.

7.1. As curtas presentaranse a través de calquera dos seguintes medios:

- na conserxería da EOI da Coruña, presencialmente ou por correo postal;
- por vía telemática, a través de calquera plataforma de transferencia online de ficheiros, enviando a ligazón de descarga ao correo endl.corunha@gmail.com.

7.2. En calquera dos casos **deben figurar os seguintes datos:** **CinEOI Coruña (ENDL)**, nome da obra, duración, nome do autor/es, enderezo electrónico, centro no que estuda e, no caso do alumnado das Escolas de Idiomas, tamén curso, grupo e idioma.

8. Non se admiten obras que inciten ao racismo, á xenofobia, á violencia de xénero, á homofobia ou que atenten contra a dignidade da persoa. A comisión de selección decidirá que traballos son admitidos. Asímesmo, poderán non ser admitidas a concurso as curtas que non presenten un emprego axeitado de lingua galega, a xuízo do xurado especialista en lingua galega .

9. Os participantes da categoría **á mellor canción orixinal** deben declarar mediante o modelo que se facilitará nos centros colaboradores e na páxina web, que as pezas son orixinais e que ceden os seus dereitos á dirección da curta para a súa sincronización coas imaxes. Os centros educativos, persoal organizador e xurado non se fan responsables da veracidade da declaración e, polo tanto, das consecuencias legais que poida ocasionar este feito.
10. Os autores e autoras das curtametraxes ceden gratuitamente os dereitos das súas obras para facer uso delas para exhibilas e duplicalas sen fins comerciais ata finais deste ano co fin da promoción do concurso. Calquera apropiación indebida de dereitos de autor ou autoría na curtametraxe é responsabilidade da persoa que a inscribiu.
11. O **xurado** estará composto por recoñecidos membros do sector audiovisual e cinematográfico galego. Decidirán todos os premios agás o premio “Ben Falado” que o fallará un **xurado especialista en lingua galega**.
12. O **premio Ben Falado** outorgarase á curta que presenta o mellor nivel de lingua galega e que representa un bo exemplo de uso da lingua.
13. O **premio do público** será outorgado á peza que acade máis votos entre os asistentes á proxección das curtas que se celebrará o día anterior á gala.
14. O concurso inclúe a celebración previa dun “OBRADOIRO ACHEGAMENTO PRÁCTICO AO PROCESO DE REALIZACIÓN DUNHA CURTAMETRAXE” como promoción do certame, de 30 horas de duración, que se realizará en xaneiro e febreiro de 2017 na EOI da Coruña e no aula de informática do Ágora; que será financiado polo Concello da Coruña.
O obradoiro é voluntario e de balde, e poderá inscribirse o alumnado dos centros educativos que participen nas categorías absoluta e xuvenil, a través da web educativa www.edu.coruna.es do 19 ao 30 de decembro de 2016.
15. A entrega de premios será o **27 de abril** na **Gala CinEOI 2017** que se celebrará na EOI da Coruña.
16. A participación neste concurso implica a aceptación destas bases.

O Servizo Municipal de Educación do Concello da Coruña participa na organización deste concurso.